

VIJESTI



Suljkanović: Od povratnika digli ruke

Potpredsjednik Republike Srpske Enes Suljkanović ocijenio je jučer u Zvorniku da se "bošnjački povratnici ne uklapaju ni u čiju šemu, jer nemaju adekvatne pomoći od Federacije BiH, a osjećaju da su višak u Republici Srpskoj", javila je Srna.

Suljkanović je rekao da zakoni koji su doneseni u federalnom Parlamentu po pitanju povratka nisu dobro rješenje, jer povratnici prilikom vraćanja na svoja ognjišta nakon šest mjeseci gube pravo na zdravstvenu zaštitu, socijalna davanja, borački dodatak, dok o nekim donacijama nema ni govora. Osudio je to što Bošnjaci nisu mogli održati manifestaciju Dani otvora 1992. godine u zgradi Opštine Zvornik, gdje su bili planirali, nego su morali da to naknadno organizuju po vjerskim ustanovama.

Gradani drugog reda u Zvorniku

Udruženje intelektualaca Podrinja ističe da je Zvornik posljednje dvije decenije grad u kojem se temeljito krše elementarna ljudska prava, javila je Fena. U saopćenju ovog udruženja navodi se da se u Zvorniku dvije decenije Bošnjacima zabranjuje ili svim raspoloživim sredstvima osporava pravo na život i dostojanstvo.

Dodaje se da Bošnjaci Zvornika već dvadeset godina nisu konstitutivan narod, iako su, prema popisu iz 1991, bili apsolutno većinski narod.

Bošnjaci Zvornika danas, dvadeset godina poslije, nemaju pravo prisjetiti se prošlosti, nemaju pravo javno uprijeti prstom u zločince, inspiratore i nalogodavce masovnih zločina i brojnih ubistava nevinih Bošnjaka.



Granit počinje da radi

Poslije dvije godine zastoja jablanički Granit danas počinje rad. Sve linije proizvodnje, od majdana do finalne obrade, u prvoj fazi na posao će primiti oko stotinu radnika i koji će sutra mogu kupiti ili naručiti sve vrste naših proizvoda, izjavio je za Fenu v.d. direktor Salih Klepo.

Predsjednik sindikalne organizacije Memsud Čosić zadovoljan je ovim potezima, koji su, kaže, rezultat odlične saradnje sindikalne organizacije, v.d. direktora Salih Klepe i novog stečajnog upravnika Velije Sablića.

Radnici samo žele da zarađuju svoju platu, a sud neka kažnjava krivce za milionsku pljačku u Granitu i milionske štete nanesene radnicima i čitavom društvu, kaže Čosić.

Interresorna radna grupa utvrdila izmjene

Bez podrške glas

● O izmjenama načina izbora vijećnika u Gradsko vijeće Mostara, u skladu sa odlukom Ustavnog suda BiH, na sjednici 17. aprila ● Osujećen SNSD-ov prijedlog o promjeni formule za dodjelu i smanjenju broja kompenzacijskih mandata

Prijedlog člana Interresorne radne grupe iz Centralne izborne komisije BiH Suada Armutovića da se u okviru člana 20.9. Izbornog zakona BiH rješenja koja su bila propisana za način glasanja u opštini Srebrenica primijene i u 2012. nije dobio većinu na sjednici tog tijela održanoj ovih dana na Jahorini.

Osim Armutovića, za su glasali još jedino Halid Genjac (SDA), predsjedavajući, te članica Nermi-na Zaimović - Uzunović (SDP). Kako prijedlog nije dobio opću većinu, nije ni bilo nastavka glasanja, odnosno nije se jasno utvrdilo ko je bio protiv, već se samo konstatovalo da prijedlog nije prihvaćen.

O Mostaru naknadno

Prema rješenjima koja su važila za lokalne izbore 2008. sve osobe koje su imale biračko pravo, a koje su imale mjesto prebivališta u opštini Srebrenica, u skladu sa rezultatima posljednjeg popisa stanovništva izvršnog u BiH, imale su pravo da se upišu u birački spisak kako bi glasale lično ili u odsustvu za tu opštinu. To je bilo omogućeno bez obzira na to jesu li imali status izbjeglice ili raseljene osobe kao i bez obzira na to jesu li zasnovali prebivalište



Srebrenica: Nastavljena politička sporenja

izvan opštine Srebrenica.

Članovi Interresorne radne grupe nisu se izjašnjavali o izmjenama Statuta Grada Mostara u skladu sa presudom Ustavnog suda BiH, koji je član 19.4, odnosno njegove stavove 2. do 9. Izbornog zakona BiH koji govore o načinu izbora vijećnika u Gradsko vijeće Grada Mostara proglasio neustavnim.

Zaključeno je kako će se na narednoj sjednici, koja će se održati 17. aprila u Sarajevu, pokušati pronaći modaliteti za rješenja pitanja Statuta Grada Mostara, s

obzirom na to da ona moraju biti utvrđena prije raspisivanja lokalnih izbora što će CIK BiH učiniti početkom maja.

Nije prihvaćen prijedlog člana Milorada Živkovića (SNSD) da se izmijeni odredba Izbornog zakona BiH kojom je regulirana pripadnost mandata.

On je zatražio da mandat i dalje pripada izabranom zvaničniku, ali da se ukoliko bude smijenjen sa pozicija u stranci, iz nje bude isključen ili je samoinicijativno napusti u toku njegovog trajanja,

dodjeljuje političkoj stranci u ime koje je izabran. Dosadašnja rješenja predviđaju da izabrani zvaničnik i dalje zadržava mandat i nakon što napusti stranku.

Odbačen je i prijedlog Živkovića da se promijeni dosadašnji način raspodjele mandata, umjesto prema formuli 1, 3, 5... - Saint Lague metod, u D'Hondtov metod koji podrazumijeva da se to čini prema dijeljenju 1, 2, 3, 4, 5...

Za prihvatanje ovog prijedloga glasali su, osim Živkovića, Sredoje Nović (SNSD), Branko Petrić (CIK),

Udruženje antifašista i boraca NOR-a općine Goražde

Udar na ljudske vrijednosti

Rehabilitacija Draže Mihailovića može destabilizirati regiju

Udruženje antifašista i boraca NOR-a općine Goražde oštro osuđuje ideologiju i inicijatore rehabilitacije Draže Mihailovića koji, tvrde, predstavlja animiranje zla. Ukoliko se to desi, onda je i suđenje Karadžiću i Mladiću za počinjene zločine i genocid samo farsa, istakli su antifašisti iz Goražda.

Rehabilitacija četničkog komandanta u Drugom svjetskom ratu Draže Mihailovića u Srbiji predstavlja još jedan od dugoročnih strateških udara na pozitivne ljudske vrijednosti koji će destabilizirati situaciju u cijeloj regiji, stav je Udruženja boraca antifašista i boraca NOR-a.

Efikasan odgovor

Ona ima poseban uticaj na mukotrpan put ka uspostavljanju suživota i međusobne tolerancije u Bosni i Hercegovini te institucije BiH moraju efikasno odgovoriti na rehabilitaciju fašističkog sljedbenika

nika i vođe zločinačkih formacija koje su počinile monstruozne zločine u BiH, smatraju u Udruženju. Antifašisti podsjećaju da su žrtve četničkih zločinaca u najvećem broju bili muslimani u Podrinju u Drugom svjetskom ratu, ali i tokom posljednje agresije na BiH, samo zato što se nisu uklapali u okvir homogene Srbije, koju je proklamovao Mihailovićev prvi suradnik Stevan Moljević.

Podsjećaju i na hiljade žrtava koje su u Podrinju ubijene pod vodstvom Draže Mihailovića u Drugom svjetskom ratu i njegovih sljedbenika, koji su počinili genocid na tlu Evrope.

„Govoriti o Ravnogorskom četničkom pokretu kao unutrašnjoj stvari Srbije je isto toliko cinično kao govoriti o nacizmu kao unutrašnjoj stvari Njemačke“, poručili su antifašisti, upozoravajući da je najmasovnije okupljanje ravnogoraca u Dobrunskoj Rijeci



Ravnogorci se svake godine sve masovnije okupljaju u Dobrunskoj Rijeci kraj Višegrada

kraj Višegrada, mjestu koje je dobilo novo ime Draževina, dok je u krugu manastira postavljen spomenik Draži Mihailoviću, a svake godine 13. marta u tzv. Draževini i Višegradu okupi se na stotine pristalica četničkog pokreta.

Opasnost po BiH

Antifašisti upozoravaju i na činjenicu da ovom prilikom pomen četničkom generalu služe lokalni sveštenici.

„Ovaj čin je rehabilitacija fašizma u susjednoj državi, koja je ne tako davno izvršila agresiju i finansirala počinitelje genocida na tlu BiH, tako da će se posljedice nakon eventualnog pozitivnog rješenja podnosilaca zahtjeva za rehabilitaciju Mihailovića odraziti na mnoge započete procese u BiH“, naglasili su u Udruženju boraca antifašista i boraca NOR-a.

A. H.

ne Izborno zakon Bosne i Hercegovine ranju u Srebrenici



Prijedlozi usmjereni protiv Hrvata i Bošnjaka i manjih stranaka u RS-u

Dragutin Rodić (DNS) i Nermina Zaimović - Uzunović (SDP), dok su članovi iz HDZ-a BiH Borjana Krišto, Niko Lozančić i Bariša Čolak te hrvatski član Stjepan Mikić (CIK), kao i Halid Genjac (SDA) i Suad Arnautović (CIK) bili protiv.

Udar na nacionalni sastav

Usvajanjem ovog spornog prijedloga došlo bi do ozbiljnog narušavanja budućih nacionalnih sastava u skupštinama opština RS-a, a automatski bi se to odrazilo i na buduću sastav Vijeća naroda RS-a

prvenstveno za Bošnjake i Hrvate čiji se predstavnici u to zakonodavno tijelo i biraju iz opština. Do promjena bi došlo i u entitetskim parlamentima s obzirom na to da je novi način raspodjele mandata usmjeren protiv manjih stranaka.

No, usvojen je prijedlog (Živkovića) prema kojem će se ubuduće mandati koje lista dobije raspodijeliti najprije među onima sa nje, od kojih je svaki dobio najmanje 15, umjesto dosadašnjih pet procenata od ukupnog broja važećih glasova. Ovim se želi prednost

dojete mandata dati onim kandidatima koji su na stranačkoj listi osvojili najviše pojedinačnih glasova unutar stranačke liste.

Nije prihvaćen prijedlog Milorada Živkovića da se procenat kompenzacijskih mandata koji je utvrđen u rasponu od 23 do 27 posto (od ukupnog broja koji ima Narodna skupština RS-a - 83 i Predstavnički dom Parlamenta FBiH - 98) smanji na 15. I ovaj prijedlog je usmjeren protiv buduće participacije manjih stranaka u zakonodavnim tijelima. **Almir TERZIĆ**

Protiv rodne jednakosti na listama

Prijedlog Komisije za jednakopravnost spolova Predstavničkog doma Parlamentarne skupštine BiH da se utvrdi da na kandidacijskim listama ubuduće bude podjednak broj kandidata muškog i ženskog spola (50:50) nije dobio podršku članova Interresorne radne grupe.

Nije prihvaćen ni prijedlog Derve Sejdića, koji je u ime Romskog informativnog centra zatražio da se utvrdi novi način dodjele mandata u općinskim vijećima i skupštinama opština, a koji bi garantirao veću zastupljenost pripadnika nacionalnih manjina u tim lokalnim tijelima.

Iako je objavljen javni poziv na osnovu kojeg su dostavili svoje prijedloge, samovoljom predsjednika CIK-a Branka Petrića, koji ih je svrstavajući ih u drugu grupu ocijenio kao nesuvisle, Interresorna radna grupa nije ni razmatrala one koje su uputili Transparency International BiH i Fond otvoreno društvo BiH, Centri civilnih inicijativa BiH, Svjetski savez dijaspore, Centar za humanu politiku, Vijeće crnogorske manjine u BiH...



Budžet USK-a danas u Skupštini

Danas će Skupština Unsko-sanskog kantona u Bihacu raspravljati o budžetu za 2012, sa čijem se donošenjem dobro kasni, jer je početkom aprila istekla i odluka o privremenom finansiranju. Vlada USK-a je Skupštini uputila prijedlog budžeta USK za 2012. u iznosu od 205 miliona KM sa deficitom od 19,5 miliona KM. Restrikcije su brojne, a Kantonalni odbor Saveza samostalnih sindikata BiH za USK je pozvao skupštinske zastupnike da ne usvoje budžet, jer se niko nije ni udostojio da njegove stavke usaglasa sa sindikatima.

Prema riječima predsjednika KO SSSBiH za USK Muhameda Mahmutovića, Vlada i Skupština mogu zbog toga očekivati seriju štrajkova i nezadovoljstvo sindikata, a prvi štrajk, kako je kazao, bit će već danas, kao jednosatni štrajk upozorenja. **F. Be.**

Utvrđiti činjenice o stanju u vrtiću

Nakon smrti četvorogodišnjeg dječaka od bakterijskog meningitisa, koji je išao u jedan od banjalučkih vrtića, gradonačelnik Banje Luke Dragoljub Davidović naredio je predstavnicima Odjeljenja za inspeksijske poslove Administrativne službe Grada da utvrde činjenično stanje i u saradnji sa drugim službama preduzmu odgovarajuće mjere, javila je Fena.

Iako je, kako tvrdi, vrlo teško utvrditi kako i gdje je došlo do infekcije, Davidović naglašava da je Epidemiološka služba Doma zdravlja već uradila kompletnu dezinfekciju svih prostorija, igračaka i posuda u vrtiću Kolibri, te da ta ustanova neće danas raditi.

Nakon postavljanja Ermina Hajdera za povjerenika

Petrovčani napustili SDP

Hajder je, u suradnji sa Lipovačom, obećao maglu Lagumdžiji, načelničko mjesto i započete projekte u Bosanskom Petrovcu kao zalag SDP-u, kažu nekadašnji članovi ove partije

Kompletno rukovodstvo SDP-a Bosanski Petrovac istupilo je iz stranke i na narednim lokalnim izborima će se pojaviti sa svojom nezavisnom listom kandidata. Od 22 člana Općinskog odbora, njih 20, i to: Rusmir Mujadžić, Sabrudin Bašukić, Mirela Tešnjak, Esad Družić, Muhamed Kartal, Nisveta Družić, Šehzudin Hadžić, Edhem Softić, Nevsad Ramić, Duško Vekić, Edisa Nadarević, Izet Guđević, Izet Muratović, Demil Fazlić, Eldin Mujagić, Branimir Čulibrk, Mirzda Tešnjak, Nebojša Latinović, Novak Erceg i Adisa Nadarević stoje zajedno u ovome.

Puka priča

Posjetili smo ih u Bosanskom Petrovcu gdje su nam pokazali obnovljenu kancelariju u centru grada, gdje su proteklu godinu vrijedno radili, dok se s druge strane Naša stranka potpuno raspala.

- Mi smo prije par godina nudili sadašnjem načelniku Erminu



Razočarani stanjem u SDP-u

Hajderu da nam se priključi, što je on s prezirom odbio, da bi sad, mimo legalne procedure u kojoj bi ga naš lokalni odbor trebao primiti, okolnim putem bio postavljen za povjerenika i zbog toga mi istupamo, kazao nam je Rusmir Mujadžić, bivši predsjednik SDP-a u Bosanskom Petrovcu.

Prema njihovim riječima, Hajder je u suradnji sa Lipovačom obećao maglu Zlatku Lagumdži-

ji, načelničko mjesto i započete projekte u Petrovcu kao zalag SDP-u.

- Pošto je načelnik ostao bez organizacije (Naše stranke) tražio je sebi novu bazu da ga kandiduje opet i vidio je da mi odlično radimo. Jednom je na televiziji Duška Jurišić pitala Hajdera „Da li je moguće dva puta dobiti izbore samo na priču?“ i ja mislim da je to ključno pitanje za

Bosanski Petrovac, kazao nam je Duško Vekić.

SDP je izgubio i brojne Srbe koji su činili ovu stranku multietničkom. Bivši predsjednik kaže da ih je nekoliko pred njim poderalo svoje partijske knjižice, kada su čuli da je Hajder upisan u SDP.

Lipovača na iskušenju

I tako Bosanski Petrovac, grad koji nema novca ni za javnu kuhinju, a ima za nju veliku potrebu, dobiće starog-novog kandidata za načelnika u liku povjerenika Ermina Hajdera, zbog čega se SDP u ovom gradu potpuno raspao.

A kantonalni povjerenik Hamdija Lipovača do kraja sedmice mora imenovati povjernoce i za Bihać i Cazin. Nezvanično saznajemo da bi i Biščani mogli kolektivno rasformirati SDP, ukoliko Lipovača ne podrži Albina Muslića, s kojim je u lošim odnosima, kao kandidata baze za drugi načelnički mandat.

F. BENDER



Livno: Neizvjesne aprilske plate

Neizvjesno je kada će budžetski korisnici na području Livanjskog kantona dobiti plate za april, jer nije usvojen ovogodišnji kantonalni budžet, a odluka o privremenom finansiranju prestala je da važi 31. marta, javila je Srna.

Budžetski korisnici na području Livanjskog kantona, uključujući i prosvjetne radnike u osnovnom obrazovanju koji zbog štrajka nisu primili plate za februar, 6. aprila dobili su martovska primanja.

Nacrtr budžeta koji je u skupštinsku proceduru krajem prošle godine uputila Vlada u tehničkom mandatu, prema kojem ukupni planirani budžetski prihodi kantona iznose oko 65 miliona maraka, novi saziv kantonalne Skupštine nije ni razmatrao, a vjerovatno i neće dok ne bude formirana nova kantonalna Vlada.